

ԿԱՐՈ ՂԱՖԱԴԱՐՅԱՆ

Սովետահայ գիտությունը ծանր կորուստ կրեց. երկարատև հիվանդությունից հետո, հոկտեմբերի 20-ին, 69 տարեկան հասակում վախճանվեց նշանավոր հայագետ, հնագետ, պատմական գիտությունների դոկտոր, պրոֆեսոր, գիտության վաստակավոր գործիչ Կարո Գրիգորի Ղաֆադարյանը:

Կ. Գ. Ղաֆադարյանը ծնվել է 1907 թ. Ախալ-ցխայում: Ավարտելով միջնակարգ դպրոցը հայրենի քաղաքում, նա 1926 թ. աշխատանքի է անցնում Վրացական ՍՍՀ Վալե գյուղում, իբրև գավառական գործադիր կոմիտեի քարտուղար: Հաջորդ՝ 1927 թ. Կ. Գ. Ղաֆադարյանն ընդունվում է Երևանի պետական համալսարանի պատմագրական ֆակուլտետը և 1931 թ. ավարտում է նույն ֆակուլտետի պատմական բաժինը: Դեռևս 1928 թ. երկրորդ կուրսի ուսանող Կ. Ղաֆադարյանն առաջ է քաշվում հնագիտության ամբիոնի գծով և մասնակից է դառնում հնագիտական աշխատանքներին:

1931 թ. ՀՍՍՀ Լուսավորության ժողկոմատը Կ. Ղաֆադարյանին նշանակում է աշխատանքի էջմիածնի Զեռագրատուն-Մատենադարանում, որտեղ երիտասարդ գիտական աշխատողը նվիրվում է ձեռագրական հարուստ ֆոնդերի ուսումնասիրությանը և շուտով հրատարակության է պատրաստում երկու աշխատություն՝ «Հայկական գրի սկզբնական տեսակները» և «Ալբիմիան պատմական Հայաստանում», որոնցից առաջինը լույս է տեսնում 1939 թ., երկրորդը՝ 1940 թ.:

1932 թ. Կ. Ղաֆադարյանը աշխատանքի է տեղափոխվում ՀՍՍՀ կուլտուրայի պատմության ինստիտուտում (հետագայում՝ Պատմության և գրականության ինստիտուտ) և իր ամբողջ գիտելիքներն ու կորուվը նվիրում է Հայաստանի պատմա-հնագիտական հուշարձանների ուսումնասիրությանը: Նա եռանդուն մասնակցում է պատմական հուշարձանների հաշվառման, պահպանման և պեղումների ուղղությամբ Հայաստանում տարվող համարյա բոլոր աշխատանքներին:

Կ. Ղաֆադարյանը զգալի ջանքեր գործադրելով՝ հրատարակության պատրաստեց հայ ճարտարապետության պատմության մեծավասուակ ուսումնասիրող Թորոս Թորամանյանի աշխատությունների երկու հատորները, որոնք նրա խմբագրությամբ լույս ընծայվեցին առաջին հատորը՝ 1942 թ., երկրորդը՝ 1948 թ.:

Սկսած 1960 թ. փետրվարից մինչև մահը Կ. Ղաֆադարյանը զխավորել է Հայկական ՍՍՀ

գիտությունների ակադեմիայի հնագիտության և ազգագրության ինստիտուտի հին և միջնադարյան հնագիտության բաժնի, իսկ վերջինիս երկու մասի բաժանվելուց հետո՝ միջնադարյան հնագիտության բաժնի աշխատանքները:

Հայաստանի պետական պատմական թանգա-



րանի դիրեկտորի, թե ինստիտուտի բաժնի վարիչի պաշտոնում Կ. Ղաֆադարյանը հաջողությամբ ղուգորդել է վարչական աշխատանքը հնագիտական դաշտային-հետազոտական և գիտական-ստեղծագործական աշխատանքների հետ: Տասնյակ տարիներ նա ղեկավարել է հնագիտական ճարտարապետական հուշարձանների ուսումնասիրության, պեղումների, միջնադարյան հուշարձանների վրա փորագրված արձանագրությունների ընդօրինակման, հավաքման նպատակով կազմակերպված բազմաթիվ արշավախմբերի աշխատանքները, անձամբ հավաքել և հրատարակության է պատրաստել մեծ թվով վիմագիր արձանագրություններ: Կ. Ղաֆադարյանը ձեռնարկեց իր ուսումնասիրությունների արդյունքները հրատարակել մի մատենաշարով, որից հասցրեց հրատարակել չորս հատոր՝ «Հովհաննավանքը և նրա արձանագրությունները» (1948 թ.) «Սանահինի վանքը և նրա արձանագրությունները» (1957 թ.), «Հաղբատ. ճարտարապետական կառուցվածքները և վիմական արձանագրությունները» (1963 թ.) և «Երևան. միջնադարյան հուշարձանները և վիմական արձանագրու-

թյունները» (1975 թ.)։ Նշված մատենաշարի հատորներում հուշարձանների վիճագիր արձանագրությունները մեջ են բերված նման նյութերի հրատարակման ժամանակակից բարձր պահանջներին համապատասխան՝ հեղինակային ընդօրինակությունների հիման վրա պատրաստված են արձանագրությունների գրչանկարները՝ պահպանելով տառերի ձևերն ու շափերը, ըստ հնարավորին զրկված են արձանագրությունների լուսանկարները, տրվում է բնագրերի վերծանությունը՝ տարբերակներով և ծանոթագրություններով։ Հրատարակված հարյուրավոր արձանագրությունները հայ ժողովրդի միջնադարյան պատմության, լեզվի և մշակույթի ուսումնասիրության անգնահատելի աղբյուրներ են։

4. Ղաֆաղարյանի հնագիտական ուսումնասիրությունների շարքում բացառիկ տեղ են զբաղում Դվինի պեղումները։ 1937—1939 թթ. նա մասնակցել է այդ պեղումներին, իրեն արշավախմբի ղեկավար պրոֆ. Սմբատ Տեր-Ավետիսյանի տեղակալ, իսկ սկսած 1946 թ., երբ վերսկսվեցին Դվինի պեղումները, Կ. Ղաֆաղարյանը 30 տարի անընդմեջ եղավ դրանց ղեկավարը։

Դվինի պեղումներով հայտնաբերված հուշարձաններն ու հարուստ նյութերը բացառիկ նշանակություն ունեցան Հայաստանի միջնադարյան քաղաքների պատմության, նրանց նյութական արտադրության, կյանքի, կենցաղի, մշակույթի, ինչպես և այլ երկրների հետ առևտրատնտեսական և մշակութային կապերի ուսումնասիրության համար։ Այդ պեղումների արդյունքներն իրենց նշանակությամբ դուրս են գալիս պատմական Հայաստանի սահմաններից և ստանում են ընդհանուր կովկասյան և մերձավորարևելյան արժեք ու հնչելություն։ Պրոֆեսոր Կ. Ղաֆաղարյանը Դվինի պեղումների արդյունքներն ամփոփել է իր երկհատոր աշխատության մեջ, որոնցից առաջինը «Դվին քաղաքը և նրա պեղումները (1937—1950 թթ.)» լույս է տեսել 1952 թ. և պաշտպանվել իբրև դոկտորական դիսերտացիա 1953 թ., իսկ երկրորդ հատորը հանձնված է տպագրության։

Նշված ծավալուն աշխատություններից բացի պրոֆ. Կ. Ղաֆաղարյանի գրչին են պատկանում նաև մի քանի տասնյակ գիտական հոդվածներ, նվիրված հնագիտությանը, հայ ճարտարապետությանը, հայերեն վիճագիր արձանագրություններին և ընդհանրապես հայագիտության բազմազան հարցերին։

Պրոֆ. Կ. Ղաֆաղարյանի գիտա-կազմակերպական գործունեության մեջ առանձին տեղ է զբաղում թանգարանային աշխատանքը։ Հայաստանի պետական պատմական թանգարանի գիտական պաշտոնը մեծ նվիրումով վարելով 25 տարի անընդմեջ (1940—1965 թթ.), նա կարգի է բերել թանգարանային ֆոնդերը, կազմակերպել է բազմաթիվ ցուցադրություններ, դրանց թվում՝ Սասունցի Դավթի 1000-ամյակին, Հայաստանում սովետական կարգերի հաստատման 20-ամյակին և Հոկտեմբերյան հեղափոխության 30 և 40-րդ տարեդարձներին նվիրված ծավալուն ցուցահանդեսները։ Հայաստանի տարբեր շրջաններում կազմակերպել է տեղական թանգարաններ և ցուցադրություններ։

Խոշոր են Կ. Ղաֆաղարյանի ծառայությունները թանգարանագիտության, ինչպես նաև թանգարանային աշխատողների հնագիտական կադրերի պատրաստման գործում։ Սրկար տարիներ նա դասախոսություններ է կարդացել Նրեվանի պետական համալսարանում և մանկավարժական ինստիտուտում, հնագետ մասնագետներ է պատրաստել նաև ասպիրանտուրայի միջոցով։

Կ. Ղաֆաղարյանը 1965 թ. մինչև իր մահը եղել է Սովետական Հայաստանի հիմնական հայագիտական օրգանի՝ «Պատմա-բանասիրական հանդեսի» խմբագրական կոլեգիայի ամենագործունյա անդամներից, նրա մշտական հեղինակներից մեկը։

Բազմակողմանի և արգասավոր է եղել պրոֆ. Կ. Ղաֆաղարյանի՝ հայագետ գիտնականի գործունեությունը, որը լայն ճանաչում է գտել գիտական հասարակայնության կողմից և արժանացել է հանրապետության կուսակցական և կառավարական վերադաս մարմինների բարձր գնահատանքին։ Իր բեղմնավոր և անբասիր աշխատանքի համար Կ. Ղաֆաղարյանը պարգևատրվել է «Աշխատանքային կարմիր դրոշի», «Պատվո նշան» շքանշաններով և մի շարք մեդալներով։

Հայկական ՍՍՀ գիտությունների ակադեմիայի նախագահությունը 1975 թ. Կ. Ղաֆաղարյանին շնորհեց ակադեմիայի ամենամեծ պարգևը՝ «Լեոնարդո դա Վինչի» մեդալը։

Բազմալատաստակ գիտնականի՝ Կարո Գրիգորի Ղաֆաղարյանի աշխատություններն իրենց արժանի ու մնայուն տեղն են զբաղել հայագիտական գրականության մեջ. նրա անունն ու հիշատակը անմոռաց կմնան։

Ր. ԱՌԱՔԵԼՅԱՆ